

續修四庫全書

術數類叢書

八

續修四庫全書

術數類叢書

八

續修四庫全書術數類叢書 · 八

易林註十六卷(卷十三至卷十六)	一
焦氏易林校略十六卷 [清]翟云升撰	一四五
易林釋文二卷 [清]丁 晏撰	三四三
玉靈照膽經一卷 [宋]邵平軒撰 心傳要訣一卷	三八五
覆盆明鏡照占真經八卷 [宋]趙天祐撰	四二三
增註周易神應六親百章海底眼前集一卷後集一卷 [宋]王 鼎撰 [宋]何 仇重編	四五三
六壬軍帳神機四十八卷(卷一至卷四)	四六九

易林卷第十三



離上革

馬服長股宜行善布蒙祐諧偶獲金
五倍

布當作市

之乾

高原峻山陸土少泉草木林麓嘉得
所畜

無註

坤

一門二關結緝不便峻道異路日暮

不到

無註

屯

憂禍解除喜至慶來坐立權門與樂
為隣



無註

蒙

殊類異路心不相慕牝牛牡猥鰥無
室家

猥音加牡豕也

需

太王為父季歷孝友文武聖明仁政
興起且隆四國載福綏厚

卷十三

中庸武王纘大王王季文王之緒
壹戎衣而有天下

訟

臨河求鯉燕蛇失餌屏氣攝息不得

鯉子

無註

師

買利求福莫如南國仁德所在金玉

爲寶

無註

比

白虎赤憤闕觀王庭宮闕被甲大小
出征天地煩潰育不能嬰

無註

小畜

子車鍼虎善人危殆黃鳥悲鳴傷國

無輔

詩黃鳥哀三良也秦穆公卒以子
車氏之三子爲殉云文交黃鳥止
于楚誰從穆公子車鍼虎

履

兩目失明日暮無光脛足跛步不可
以行頓於丘傍

無註

泰

羅網四張鳥無所翔征伐困極飢窮
不食

無註

否

伯夷叔齊貞廉之師以德防患憂禍
不存

伯夷叔齊孤竹君之二子也武王

伐紂叩馬而諫義不食周粟孔子

曰伯夷叔齊餓于首陽之下民到
于今稱之

同人

疾貧望幸使伯行販開牢擇羊多得
大牂

無註

大有

南山之陽華葉鏘鏘嘉樂君子爲國
寵光

無註

謙

東壁餘光數暗不明主母嫉妬亂我
業事

東壁星名

豫

卷十三

五

迷行晨夜道多湛露載我袴襦重不
可涉

無註

隨

目瞶足動喜如其願舉家蒙寵

漢書眼瞶得酒肉瞶如倫切目動
之貌

蠱

鷹鷂欲食雉兔困急逃頭見尾爲害
所賊

無註

臨

鼻移在項枯葉傷生下朽上榮家擾
不寧失其金城

無註

觀

卷十三

六

飛不遠去法爲罔待祿養未富

無註

噬嗑

側基敗宮重舌作凶被髮長夜迷亂
相誤深亡吉居

無註

賁

亥午相錯敗亂緒業民不得作

無註

剥

野麋畏人俱入山谷命短不長爲虎
所得死於牙腹

無註

復

秋冬探巢不得鵲雛銜指北去愧我
少姬

無註

卷十三

七

无妄

雙鳬俱飛欲歸稻池經涉藿澤爲矢
所射傷我胃臆

無註

大畜

天門開闢牢户寥廓桎梏解脫拘囚
縱釋

桎音只梏音谷拘音拘

頤

尼父孔丘善釣鯉魚羅釣一舉得獲
萬頭富我家居

史記世家曰孔子名丘字仲尼世
稱爲尼父語云子釣而不綱

大過

彭君爲妖暴龍作災盜堯衣裳聚跖

卷十三

八

荷兵青禽照夜三日夷亡

彭君一卦作彭名妖作娛暴作白
衣作舜聚作桀夜作火見比之蒙

坎

華言風語亂相誑誤終無凶事安寧
如故

無註

離

逃頸見足身困不辱欲隱避仇為害

所賊

無註

咸

無足斷跟居處不安凶惡為殘

跟音根

恒

三人俱行北求大牂長孟病足倩季

負囊柳下之貞不失我糧

無註

遯

退飛見祥傷敗毀墜守小失大功名

不遂

無註

大壯

持心懼怒善數搖動不安其處散災

府藏無有利得

無註

晉

牽尾不前逆理失臣惠朔以奔

春秋桓公十六年左公子洩右公

子職立公子黔牟衛侯朔出奔齊

明夷

祿如周公父子俱封

周公周之冢宰其子伯禽封魯侯

家人

吾有八人信允篤畝為堯所舉

八元八凱之德曰齊聖廣淵明允

篤誠畝當作誠

睽

久陰霖雨泥塗行潦商人休止市空

無寶

無註

蹇

無足斷跟居處不安凶惡為殘

跟音根

解

馬蹄躓車婦惡破家青蠅汚白恭子

離居

青蠅詩篇名青蠅汚穢能變白黑

卷十三

上

春秋左傳晉獻公嬖驪姬驪姬欲立其子奚齊諸毀群公子及世子

申生恭子即申生也

損

嚶嚶不言莫如我垣歡樂堅固可以

長安

嚶音搏

益

懿公淺愚不深受謀無援失國為狄所賊

春秋閔公三年狄人伐衛懿公好鶴鶴有乘軒者將戰國人皆曰使鶴遂為狄所滅

夬

騏驎綠耳章明造父伯夙奉獻襄續厥緒佐文成霸為晉元輔

卷十三

上

按史記趙世家造父取驊騮綠耳以獻於周穆王王賜之趙城其後生趙夙輔晉獻公伐霍夙之後生衰事晉文公遂霸諸侯

姤

駕車入里求鮮魴鯉非其肆居自令

後市

無註

萃

求獐嘉鄉惡地不行道止中遷復反其牀

無註

升

杖鳩負裝醉卧道傍不知何公竊我錦囊

老人食多咽故刻杖為鳩取鳩食

不咽之義出白帖

困

登崑崙入天門過糟丘宿玉泉同惠

歡見欣君

崑崙之墟在西北方去嵩高五萬

里地之中其高萬一千里出五色

雲氣泰山有大小天門仰視天門

如從穴中望天窻糟丘玉泉未詳

井

水為火壯患厭不起季伯夜行與喜相逢

無註

鼎

烏孫氏女深目黑醜嗜欲不同過時無偶

烏孫國名其女目深而醜黑也

震

子鉏執麟春秋作元陰聖將終尼父

悲心

左傳哀公十四年春西狩於大野

叔孫氏之車子鉏商獲麟孔子作

春秋

艮

灼火泉原釣魴山顛魚不可得炭不

可燃

無註

漸

天馬五道炎火久處往來上下非文
釣已衣衰絲麻相隨在歌凶惡如何
未詳

歸妹

鷓鴣破斧冲人危殆賴旦忠德轉禍

爲福頃危復立

鷓鴣破斧皆幽風詩篇名言周公

誅管蔡以安周室之事

豐

杜飛門啓憂患大解不爲身禍

無註

旅

石門晨開荷蕢疾貧遁世隱居竟不

逢時

石門即論語所謂晨門掌晨啓門
之人與荷蕢等皆賢而隱者

巽

兔聚東郭衆犬俱獵圍缺不成無所
能獲

東郭魏海內之狡兔

允

三羊群走雉兔驚駭非所畏懼自令

勞苦

無註

渙

羽翮病傷無以爲強宋公德薄敗於

水泓

魯僖公二十二年宋襄公及楚人
戰于泓宋師敗績

節

姬姜雅叔三人偶食論仁義福以安

王室

周公姬姓太公姜姓二人夾輔周

室雅叔未詳

中孚

精誠所在神為人輔德教之中彌世

長久三聖乃興多受福祉

無註

卷十三

十七

小過

岐周海隅獨樂不憂可以避難全身

保才

文王生於岐周太公辟紂居東海

之濱

既濟

孤獨特處莫依為輔心勞志苦

無註

未濟

頤望登臺意常欲逃賈辛醜惡妻不

安夫

春秋魯昭公二十八年魏獻子謂

賈辛曰昔賈大夫惡娶妻而美三

年不言不笑

鼎

卷十三

十八

積德之至君政且溫伊呂股肱國富

民安

伊尹相湯呂望興周

之乾

頃筐卷耳憂不得傷心思故人悲慕

失母

按詩傳頃欹也筐竹器卷耳泉耳

葉如鼠耳叢生如盤言后妃以君

子不在而思念之故賦此詩託言之也

坤

邵叔賈貸行祿多悔利無所得

無註

屯

感狂跛衽辟坐不行弃損平人名字無中

無註

卷十三

十九

蒙

文王四乳仁愛篤厚子畜十男無有折夭

按淮南子云文王有四乳

需

容民畜衆不離其居

無註

訟

三推相逐蠅墜釜中灌沸淹殫與母長決

無註

小畜

東家殺牛聞臭腥臊神背不顧命衰絕周亳社災燒宋人夷誅

周易既濟九五東隣殺牛不如西

卷十三

二十

隣之禴祭春秋魯哀公四年六月

辛丑亳社災公羊注云何以書記

灾也

比

陸居少泉高山無雲車行千里塗汚尔輪亦為我患

無註

師

所望在外鼎今方來拭爵澡壘炊食
待之不爲季憂

無註

履

長子入獄婦饋母哭霜降旬日鄉晦
伏法

無註

泰

溫山松栢常茂不落鳳凰以庇得其

歡樂

無註

否

大屋之下朝多君子德施博育宋受
其福

無註

同人

卷十三

二十一

羅張目決圍合耦缺魚鳥生脫
無註

大有

羔裘豹祛高易我字君子維好

詩鄭風羔裘之詩曰羔裘豹飾孔
武且力此刺朝之詩也

謙

大頭明目載受喜福三雀飛來與祿

相得

無註

豫

消鋒鑄刃縱牛放馬甲兵解散夫婦
相保

史記武王勝殷包藏弓矢戢弭干
戈以示弗用歸馬于華山之陽放
牛于桃林之野以示弗服

卷十三

二十二

隨

吉日舉釣田弋獵禽反行飲至以告
喜功

吉日詩篇名美宣王田也

蠱

商人行旅資無所有貪貝逐利留連
玉帛馭轅內安公子何咎

無註

臨

火井暘谷揚芒生角犯歷天門闕見
太微登上玉牀家易共公

無註

觀

秋隼東翔數被嚴霜甲兵庭堂萬物
不生雞金夜鳴民擾大驚

無註

噬嗑

東行西步失其次舍乾侯野井昭君
喪居

春秋昭公二十五年九月戊戌伐
季氏叔孫氏孟氏救之三家反攻
公已亥公孫于齊次于陽州二十
六年三月公至自齊居于鄆三十
二年薨于乾侯齊侯唁公于野井

賁

腫頸病腹陷廁汚辱命短時極孤子
哀哭

春秋晉侯有疾張如廁陷而卒

剝

切膚近火虎絕我鬚小人橫暴君復
何之

無註

復

女室作毒為我心疾和不能治晉人

赴告

春秋魯昭公元年晉侯求醫於秦

秦伯使醫和視之曰疾不可為也

是謂近女室疾如蠱庚戌卒

无妄

兵征大宛北出玉門與胡寇戰平城

卷十三 二十五

道西七日無糧身幾不全

大宛國名單于圍漢祖白登七日

大畜

九子十夫莫適與居貞心不壹自令

老孤

無註

頤

東行稻麥遂至家國樂土無灾君父

何憂

無註

大過

作室山根所以為安一夕崩顛破我

甕食飡

無註

坎

六人俱行各遺其囊黃鵠失珠無以

卷十三 二十六

為明

無註

離

伯蹇叔盲莫為守裝失我衣裘我是

陰鄉

無註

咸

褒寵洒尤敗政傾家覆我宗國秦滅

周室

周幽王寵褒姒廢申后并太子宜
臼申侯怒與西夷犬戎攻幽王虜
褒姒其後秦卒滅周

恒

該言譯語仇禍相得冰入炭室消滅
不息

無註

卷十三

二十七

遯

彭名爲妖暴龍作災盜堯衣裳聚跖
荷兵青禽照夜三旦夷亡

妖作娛暴作白衣作舜聚作桀夜
作火見比之蒙

大壯

朝露白日四馬過隙歲短期促時難
再得

李斯傳胡亥曰人生猶騁六驥過
決隙

晉

耳闕道衰所爲不成求事匪得

無註

明夷

申公患楚危不自安重耳出奔側喪
其魂

卷十三

二十八

春秋成公七年楚共王即位子重
子反滅申公巫臣之族申公亡之
晉重耳晉文公名僖公四年被驪
姬之譖出奔蒲

家人

南上太山困於此桑左砂右石牛馬

無食

無註